

Agid social da la citad da Son Gagl: Agid social finanziel

Tgi che sa chatta en ina situaziun finanziela precara – saja quai temporarmain u permanentamain – e na po, malgrà agens sforzs, betg midar quai u betg a temp, ha il dretg da survegnir agid finanziel, tant enavant ch'ella u el ha ses domicil en la citad da Son Gagl. Las prestaziuns d'agid social vegnan calculadas individualmain, l'autezza dependa da las relaziuns persunalas, dals custs da viver e da las entradas.

Nova annunzia / scleriment dal dretg a prestaziuns

Per ina nova annunzia u infurmaziuns generalas davart il dretg da retrair prestaziuns socialas stuais Vus passar persunalmain tar ils servetschs socials durant ils suandants temps (senza preannunzia): glindesdi fin gievgia, da las 13.30 – 16.30. Per ina nova annunzia è necessari in document persunal. Ils proxims pass vegnan discutads a chaschun d'in curt discurs persunal. Quest discurs ha lieu per tudestg.